

敬業堂詩集

二

敬業堂詩集卷二十目錄

遊梁集

將有中州之行七月七日姜西溟唐實君趙文饒

惠研谿楊崇木宮友鹿項霜田錢亮功湯西厓

馮文子楊次也陳元之家聲山錢飲於陳六謙

邱舍席間酬別 出都晚宿寶店戲示許大

令霜巖 涿州過渡

上谷城南旅宿見可亭姪題壁

早過慶都 定州口號

新樂有感 晚渡淖沱

麥飯亭 鉅鹿道中

豫讓橋 邯鄲縣呂翁祠

邯鄲懷古三首 自杜店至磁州與霜巖並

馬行 渡漳河

曹捺疑塚 鄴中咏古四首

湯陰縣北村家 入大名界紀水電之異

滑縣 長垣道上戲示霜巖

從蘭陽渡黃河入大梁境

閔陳留縣志雜題十絕句補其所不載

桐城王方日爲亡友將度臣刻詩集於汴中後列

同學姓名余兄弟與焉度臣之歿宜有哀辭宿

草之哭亦情所不能已也二首

和霜巖縣齋秋雨八首

中秋喜晴

奪門行

汴梁雜詩八首

宋門別陳叔毅二首

陳留後園習射示孫周人許蘭爲

朱仙鎮岳忠武祠 與王方日

汴中遇蔡遠士次韻留別三首

韓岡送同年張逸峰之安慶

重陽日接胡次村觀察書及見寄二律次韻奉答

將歸故里留別霜巖三首

答趙蒙泉別後見寄之作

留別吳梅梁表兄 大風晚至杞縣訪李明府

不值 歸德道中二首

商丘周宜菴明府貽牡丹名種戲成四絕句

永城縣陳太丘祠 望陽山

南宿州卽事 汴中無魚今日至固鎮盤

餐得此余方以爲喜座有晉人乃至廢食云吾

土有客水鄉者所親必相戒勿食魚恐傷骨鯁

也南北嗜好之不同如此

臨淮曉渡飯於逆旅述老人所言

過鳳陽城外二首 池河驛

度磨盤山潞潞分界處

清流關

滁州

舟發六合

大霧自儀真曉至京口

關吏行

舟中紀事

雨中發甯熟回望虞山

吳江田家行

敬業堂詩集卷二十目錄終

敬業堂詩集卷二十

海寧 查慎行 悔餘

遊梁集

起乙亥七月
歲十二月

中州名勝之區也同學許霜巖謁選得陳留宰邀
余偕行涉滹沱循太行東麓歷趙衛梁宋之郊按
程計之古蹟不少資其車騎供我吟眺亦足以豪
矣

將有中州之行七月七日姜西溟唐實君趙文
饒惠研谿楊崑木宮友鹿項霜田錢亮功湯西
厓馮文子楊次也陳元之家聲山錢飲於陳六
謙邸舍席間酬別

屋簷秋網拂蠅蛸弦月如弓挂一鞘剪燭談深宜夕館
看花人散憶春郊窮無好句供傳寫老不中書代解嘲
實君見送詩有舍人
官職是虛名之句 來本無名歸亦得只愁飲餞累貧
交

出都晚宿寶店戲示許太令霜巖

又是南程發初我今戴笠爾乘車衝泥早歇林間馬
積潦秋生戶外魚十度棘闌憐報罷一官花縣喜新除
屠龍妙手牛刀割餘技猶堪理簿書

涿州過渡

胡良河蔭青葱柳督亢陂連宛轉城但覺林中無暑氣
不知風外有蟬聲喚迴塵夢秋初到誤隋吟鞭馬一驚

自笑年來詩境熟每從熟處欲求生

上谷城南旅宿見可亭姪題壁

客路逢連雨秋原洗鬱蒸人投曾宿店鼠瞰未吹燈一
榻夜涼入二更殘月升忽看題壁在為爾掃秋颺

早過慶都

棗林槐埂翠模糊十里烟光接慶都堯母陵荒秋草偏
戴萬新畫牧牛圖

定州口號

劃花小盃愛初燒秘色傳來閱四朝莫打磁甃輕試玉
人間方貴定州窑

新樂有感

客路匆匆過定州鮮虞臺下小遲留與圖西漢中山國
恩澤先朝外戚侯支棗詩成歌樂土種瓜人去感新疇
眼前風物全非昔細草鳴駝一段秋

晚渡淖沱

涼風蕭蕭響白荻老鸛啣魚作人立小船爭渡晚尤喧
濁浪兼泥秋更急中流仰看團團天太行突兀當我前
未知馬首向何處千里夕陽橫紫烟

麥飯亭

蒼皇那免嘆途窮大業幾隳小衄中名號未尊誰是賊
英雄有識獨從公兩河子弟收星散一飯君臣見始終
值得將軍依大樹不勞上殿更爭功

鉅鹿道中

要害畿南在必爭時危往往屢稱兵居人不重侯芭里
過客猶尋石勒城雲挾常山蛇尾動地連汾晉犬牙成
如今不用論形勝徐泰秋郊一望平

豫讓橋

首四句姜西溟舊作也
辭意未盡為足成之

趙入宮臣廁中趙乘馬臣橋下區區欲報國士知可憐
一死何能為君不見博浪一椎雖不中置身事外非無
用

邯鄲縣呂翁祠

幻妄浮生豈有涯何妨鼠穴駕牛車貧兒好作遊仙
夢怪事偏傳小說家事出虞初志古道蹇驢多北向空庭秋
日又西斜人間官賤黃金貴乞與燒成九轉砂

邯鄲懷古三首

口舌相如位上卿從教趙括喜談兵璧歸間道雖難奪
師出長平已被坑唇齒連衡如有約虎狼縱暴本無名
淒涼蔓草荒烟地民命無如戰國輕

美人一笑元無罪不殺難邀好士名趙勝何曾識毛遂
信陵差解重侯嬴符來袖裏圍方解錐脫囊中事竟成
碌碌因人嗤若輩也如跛客強隨行

北道何期得鄧晨信都南望尚迷津群情正是思劉日
假號先歸賣卜人計定一軍終拔趙怨深三戶必亡秦
不妨暫作逡巡避龍準諸孫自有真

自杜店至磁州與霜巖並馬行

一天風露野田秋曉路熹微辨馬頭槐柳陰中解杜店
芰荷香裏到磁州鷄鳴巷陌烟初起鶻立陂塘水慢流
過此頓忘身是客與君題壁紀清遊

渡漳河

夜聽邯鄲趙女歌起乘殘醉渡漳河天垂曠野名都壯
路入中原戰壘多細雨一蟬高岸柳西風匹馬故宮禾
灰飛瓦解尋常事誰管繁華委逝波

曹操疑塚

分香賣履獨傷神歌吹聲中總帳陳到底不知埋骨地
却教臺上望何人

鄴中咏古四首

洹水清流見麗譙鄴中氣象太蕭條詞華不過誇三國

人物誰能算北朝冰井臺荒秋瑟瑟香姜閣廢雨飄飄

齊碑魏瓦人爭托想見當年土木妖魏銅雀瓦色青內
平印工人姓名皆

胡八書以爲現野水數日不滲齊起鄴南城磚瓦皆皆
胡挑油油之當油處有細紋曰聚紋有白花曰錫花古

碑大者方四尺上有盤花鳥獸紋千秋萬歲字其紀年
非天保則興和又有碑筒承蒼瀟者花紋年號皆同內

手向外亦可爲現按王荆公詩云陶甕往往成今
自尚托虛名動後人則真品在宋時已不可得

自從僭竊起當塗虎視中原氣總粗大抵奸雄皆好亂

居然割據亦稱都車中不少彈筆客案上頻繙聚米圖

十二渠成流澤遠至今土壤號膏腴

林慮平山色尚蒼蒼太尉登朝事可傷豈有公孤能翊

漢早知廢立總由梁勢成刻鬼驕三輔禍始金蛇恨永
昌慚媿上書收葬吏循傳郭亮配楊匡
錦衣別築相州堂使節移來自武康公獨勤勞兼將相
誰能事業更文章威名要取雄殊域宦跡何嫌避故鄉
碑版兩朝尊顧命豈徒一記重歐陽

湯陰縣北村家

烟際露芽茨田家正午炊韭花秋逞味棗實晚垂枝放
犢青蕪岸渥麻綠水池地偏稀客過籬落有人窺

入大名界紀冰雹之異

朝行渡黎陽四望如絕徼又如入霜野慘澹初經燒古
墓多白楊連根拔當道棗黎盡僵仆隋實滿泥淖村中

禾黍空天半鳥驚叫客心慘不樂經眼非意料道逢白

髮人下馬亟慰勞爲言前七日陰氣變晴昊疾風西北

來電雷乃前導須臾大雨雹奮擊恣凌暴爲拳爲芋魁

所向等飛礮居民屋瓦裂填塞及井竈行者不及防人

傷馬傾倒潯南滑之北廿里陷冰窖草木生其中焦原

同一燎含懷問隣舍旁有豐年稻邑長豈不知遼巡莫

以告我爲田父語天變非人造不聞平陽城一震跡如

掃殭尸十萬戶蔽野復誰弔朝廷憫災傷大下乞言詔

公卿滿臺閣相視無寸效被禍爾猶輕區區胡足較

滑縣

停鞭小立聽潺湲魏滑分河在此間自洛以東百水皆
會於此唐沈亞之

有觀滑樹杪帆檣
分河錄樹杪帆檣
年仍歎地近朝歌俗尚頑
誰與牛羊典芻牧未應蒿目
委時艱

長垣道上戲示霜嚴

前行忽引朱衣吏
夾道爭看擁似蜂
却咲相如緣底事
也隨車騎走臨卬

從蘭陽渡黃河入大梁境

馬頭半月看烟鬟
行過燕關漸軼關
今日中流回首望
黃河截斷太行山

閱陳留縣志雜題十絕句補其所不載

幡然臺外野雲黃
缺畝餘風重此鄉
不解後人偏好誕
每從田叟問空桑

伊尹生空桑語
出呂氏春秋

漢祖初來厭監儒
監門長揖互揶揄
入關全賴教倉粟

計出高陽一酒徒
酈食其陳留高陽人今縣有高陽堡即其故里

割肉恢諧父老旁
千秋銘記有中郎
羨他社宰封侯地

不改當初戶牖鄉
蒙邑索昏庫上里社銘云惟斯庫里古陽武戶牖鄉陳平由此社宰佐高帝定天下按史平初封戶牖侯故云

殺雞自作高堂饌
草具何妨對客供
一飯成名真有幸

天教季偉遇林宗

伯喈本意欲東奔
失計何人與訟冤
畢竟殺身緣一嘆

九原應悔出私門

分茅幾姓列王侯
古郡相傳屬此州
若以報施論漢魏

後先亡國兩陳留
漢獻帝從陳留王入承大統曹奂為司馬所廢封陳留王五代通鑑李延圻河南有外黃下黃代史改小黃漢書地理志陳留縣有外黃小黃縣五為下黃說矣
赤松祠下月茫茫
錦池遺壁今還壁
氣盡

人間十二郎
事見大業開河記

北狩蒼黃宋兩君
徵兵諸路咲紛紛
平時誰畫元豐策
輕汰畿東捧日軍

宋都汴陳留為畿輔要地舊設天武捧日等軍元豐中有詔裁減故靖康無聲援之禍近

養士恩深三百年
倒戈迎賊怪爭先
殘黎及記滄桑錄
死事人稀一尉傳

崇禎辛巳十二月賊由襄鄧北來汴州縣望風迎降陳留署令某庸才也不知所指典史邵大濟秦中死竭力拒守城陷不屈全家投井死

濁浪高於師曠城
見陳留風俗傳
人隨廬舍盡東傾
至今兩濕天陰候過客猶聞鬼哭聲

崇禎壬午決朱家寨水入大梁浸淫及於陳留城內外水深尺餘屋宇盡沒邑無居人

桐城王方日為亡友蔣度臣刻詩集於汴中後

列同學姓名余兄弟與焉度臣之歿宜有哀辭

宿草之哭亦情所不能已也二首

不是無家柰別離
蓋棺事了始歸期
半生好客皆情累

一第成名亦數奇
篋底有金貧肯惜
人間無路老方知

最憐湖海元龍氣
收拾光芒入小詩

迴思腹痛平生語
謬托知音撫絕絃
長恐雲烟隨散滅

忽驚珠玉已流傳
九原可作應相慰
同調無多又自憐
不覺餘哀生感激為君展卷一潸然

和霜巖縣齋秋雨八首

陳留井邑荒風俗尚淳古官舍雜民居蕭蕭一環堵移
牀避屋漏正值秋來兩秋雨有時晴茅茨亦易補乘時
無鉅細百廢在一舉

許子天下才卑棲屈茲土到官已十日坐看魚生釜雖
稀傳事柳尚打排衙鼓我來况無事小住因賢主只合
向空齋攤書聽涼雨

昨日牒文來歡聲滿城郭黃河一丈減秋水漸歸壑回
頭梁宋郊禾黍正可穫豈有溝澮盈決防助流惡野人
殊過計倚杖候乾鵲

荒庭無竹樹草上牆頭生誰知一穴穿已帶秋蟲聲老
夫方隱几鼻息如雷鳴雨點忽到窓颯然歸夢驚此中
有佳句夢斷詩未成

我友趙十郎索居廩延城趙子晦時宰延津河壩一小
邑長吏管送迎我思往相就所畏泥中行乃知行路難
中有躑躅情

殘暑去遠巡蠅聲猶未歇蒼蠅何足云壁有鈎尾蠅抵
燈明復暗被螫或倉卒土產多毒人吁嗟慎膚髮陳留
蠅故云

河流去城遠掘井不破塊常時瓢飲難汲自十里外官
庖惜民力水厄亦有戒天漿忽傾盆餘澤走滂沛瓶罍
既滿貯茶味即沆瀣絕勝調水符勞心防狡會

木榻乘秋陰微蒸入布被解衣背粘席轉輾出奇計熱
輦著瓦盆濛濛透霧氣苦遭烟炙眼聊免體被漬身居
燥濕間那得雨遂意

中秋喜晴

連晨苦雨悵淹留地近梁園客勸游夢裏無花誰勸酒
天邊得月且登樓城圍老柳吹笳夕露灑寒螢擊檠秋
却記去年今夜會滿堂絲竹醉湖州憶去年風
晨堂之集

杏門行

秦師圍困邯鄲城趙人乞援如乞盟信陵重以姻婭故
坐視不救非人情三千私客赴急難致死一戰猶堪爭
今者無端傾國出不以君命俄專征宮中符竊嬖倖手
閫外力奪將軍兵鐵椎碎首彼何罪汝自微幸貪功成
誰為此策大紕繆公子幾陷無君名生平下士頗折節
慚媿虛左親相迎私恩不負負大義二者較量孰重輕
先王正道日陵替術士詭計方縱橫不聞死事憫晉鄙
但見好客誇侯嬴史遷本意喜任俠公論久掩吾不平
千秋事往一感歎弔古聊作杏門行

汴梁雜詩八首

土岡起伏向平蕪蕎麥花開侶雪鋪舊日樓臺埋井底
秋來風雨暗城隅枚作客虛詞筆高李論交割酒壚
少陵與李杜奉高常侍同時客遊梁宋間故其昔遊詩
有往與高李輩論交入酒壚之句今城東南有三賢祠
莫怪遊梁無一事已將名姓混屠沽

鞏洛東來地勢窪一條清汴走長蛇霸圖難畫鴻溝界

恨事空推博浪沙博浪城在府北衰草平原秋放牧西風古堞

暮棲鴉靈光一寺巍然在大相國寺路地最高壬午之禍獨不為沙土所埋汴中樓閣存者惟此而已

留取伽藍記夢華

削除七國獨存梁愛弟終因母后妨禁網初寬到賓客

人才一變起詞章平臺築後門常關東苑成來志稍荒

但取虛懷能下士豪華原不累賢王

梁宋趙遺墟柏汴京紛紛代禪事何輕也知光義難

為弟不及朱三尚有兄將帥權傾皆易姓英雄時至適

成名千秋疑案陳橋驛一着黃袍遂罷兵

歲幣輸來不計緡無端齒冷為亡唇偷生虎穴甘南渡

忍死牛車痛北巡翻覆兩家天假手興衰一劫局更新

幽蘭堂畔誰相惜只有從亡十九人

勝國分藩本屬周承平樂事數焚樓星連北極雄繁會

地是中原沃衍州樂府新聲翻百閱書堂名蹟勒雙鉤

最憐禍較江陵烈河伯摧殘甚鬱攸

蟄穴將穿積勢成洪流直灌大梁城運移天險翻資盜

禍起庸夫好論兵明季流賊圍汴推官黃計倡議朱家寨水以灌賊營賊覺而遠避開封

不信龍蛇皆沴氣可憐魚鱉盡倉生滄桑變後

秦灰黑誰見黃河十里清

新標禹廟鎮河濱師曠臺邊迹已陳吹臺今更獨向蒼名禹王臺

茫時極目誰當搖落不傷神空倉雀鼠千村賦故壘牛

羊四戰塵老傍人間多閱歷漸無閒淚可沾巾

宋門別陳叔毅二首

同作大梁客情因去住殊時叔毅舉家客汴城累君為地主饒我

赴歸途對酒狂猶昔謀身老漸迂未妨吟思苦領下賴

多賢

全家猶旅食別路阻清遊相約同登吹臺為雨阻近約尚難必歸

期可自由貯愁聽舊事挈涕洒神州令伯元倩先生崇禎末為開封同理

莫作長流落風塵易白頭

陳留後圃習射示孫周人許蘭為

縣齋秋日長兀坐愁面壁異書如荊州欲借那易得後

園有棄地糞壤經馬櫪泓然見清池老眼喜一滌初看

剪蓬艾次第拾瓦礫朝來箭道成百步盡所歷兩生頗

好事飯罷走相覓邀我日同來分朋控鳴鏑雖無皮畫

鵠縛草那代的引滿試射之於中寓考績浮情或倖中

詭遇本無適古人一技精往往互砥激勿徒視游戲儼

若對強敵我昔方盛年從軍曾草檄風前餓鴉叫頭上

飛霹靂蹉跎萬念乖漸怕矛頭漸力衰安可強眾醜供

指摘自咲諒無成習勞猶運甕子今心膽壯作此太寂

寂斯言可類推凡百慎剖析

朱仙鎮岳忠武祠

平生感憤興亡際往往無端供裂眦晉之懷愍宋徽欽

失國偷生本同類兩家子弟又庸下南渡誰論復仇義

千秋乃有岳將軍欲雪斯慚出奮髯曾經讀史浮大白
況到提戈用武地一條衣帶指黃河倒捲狂瀾作餘勢
當時大業已垂成談咲收京俄頃事乞和語出金人口
二帝歸如反掌易南內何妨奉上皇中原未必虛神器
可憐計算不出此奸相逢君有深意朝廷不要兩宮還
那許疆場壞和議乾坤震蕩功百戰性命風波獄三字
湯陰故里虎林墳幾處經過頻洒淚豈如此地更悲涼
血裏征袍等閒棄二百年來崇廟貌初創于成化戊戌兩行檜
栢干霄翠北風怒吼白日昏猶有英雄不平氣

與王方日

姚生寓舍晨排闥一咲驚君起著衣余初識君於同年姚別峯寓中半
面相逢雖草草兩心經別自依依倦游客况秋風冷未
路交情酒伴稀不料尚邀公子顧累他紅粉避燈輝方夜過余寓適有女郎在座聞公子至避匿不出故戲及之

汴中遇蔡遠士次韻留別三首

與君少小生同里嬾蔡知名二十年今日汴中初識面
鬢絲秋老菊花天

買蟹宵來倒客囊汴城無水味蟹尤難致一枚例索錢五十文一燈相對話

蒼涼舊京風物吾猶記宋嫂魚羹薛嫂羊

馬嘶門巷客將還殘醉扶頭改別頻多感故人相送意

略煩秦女唱陽關時有秦姬在座

韓岡送同年張逸峰之安慶

去年下第傷坎壈君館髯姜西兼客我順風三日不張
帆綠水名園停畫舸一攀楊柳辭春陌兩見榆槐更歲
火那知此地忽相逢客裏班荆當道左大梁城東秋野
濶片片飛鴻向空隨夜騎驛馬到韓岡我倚身強君亦
頗人間裙屐胡足道絲吐春蠶自纏裹天津公子氣雄
豪長劒短衣無不可近聞西陲方有事廟算行將啟邊
鎖時間師抄聞吾曹猥以不羈身五寸垂綬等遊情君
依官舍獲侍奉時逸峰隨尊前觀察公赴任安徽我赴歸期尚難果殘
樽相屬且勿辭黃花正綻霜前朵

重陽日接胡茨村觀察書及見寄二律次韻奉

答

含語相逢兩未申匆匆悔作渡河人敢期交臂心相許
及捧來書意果真白雪愛吟千遍熟黃花催換一番新
眼前事事俱難料不為傷秋歎亦頻

一序何當重左思重煩傳語到臨岐來書屬余作詩文序故云可知

投効休官地未是移床遠客時九日歸心憐我急十年

恨事識君遲不嫌寂莫遊梁跡點綴行裝賴好詩

將歸故里留別霜巖三首

百里衝煩邑河流接小黃鄉程貪漸近官味看初嘗家

本傳儒術名猶在舉場此情吾諒汝捧檄為高堂

別後寬相憶君才百事能神明真不忝蘊藉若無憑世

苦需經濟官廉慎愛憎似聞田父語蓄眼見何曾

四海皆兄弟相關得幾人不愁官俸薄翻計客囊貧却饋非吾矯論交到爾眞平生知己意感動豈無神

答趙蒙泉別後見寄之作

趙壹豈窮人文章天下冠成名陷羅網識字召憂患平生師友間慷慨赴急難一機駭初發二事將并案隻手探沸羹孱軀分糜爛欲知氣難奪正賴神不亂戴盆却望天畫地詎宜行泊乎寃得白重以讒被間幸免輸鬼新誰堪讀城旦先生鮮穉怒一咲春水泮脫身楷萃中去國等流竄疲驢入京洛旅食年頻換囊中綠綺琴焦尾實經憂知音世不乏聽者每三歎捷徑有爭先陳人尚魚貫空持魯褒論孰下干木判遇我夙懷傾招呼詩酒伴貧交無強合失意多聚散老淚落河橋離愁渺雲漢殘秋滯梁宋仰視南飛鴈寄我別來詩開函一腸斷君心人盡諒蹤跡聊羈絆出語忌孤高時情伺譏訕

留別吳梅梁表兄

幾日重陽雨雨晴天忽寒北風醒別酒落葉打征鞍不計授衣晚欲爲分袂難他鄉老兄弟情到勸加餐

大風晚至杞縣訪李明府不值

沙土晚濛濛孤城萬木中氣吞平野日聲壯渡河風結伴隨陽鳥離程極轉蓬不須煩地主旅食報年豐

歸德道中二首

海鴈橋邊路向東霜消日氣午怡融木棉吐子如脂白

野柿垂條似火紅驢背人簪雙髻菊牛蹄塵漲四輪風旗亭一醉誰同伴獨把吟鞭過宋中

寒烟衰草入疎蕪雖水流同戰血枯他日江淮論保障至今祠廟且規模城連耗土秋多鼠樹倚神叢社少狐惆悵繁臺歌管歇角聲吹落孝王都

商丘周宜菴明府貽牡丹名種戲成四絕句

戚里名園結構新千株遠致洛中春燕中苑園爭購此花今秋北去者以

珍重新寒九月初歸程作伴太憐渠渡江船上人爭看

桃葉桃根恐不如

瓦礫堆牆老圃家燒餘一片變桑麻問余臺榭今何處也畧移栽富貴花

包裏泥封護本根隔年分種自梁園得歸且作看花想未必花時穩閉門

永城縣陳太丘祠

賢人處末流德器務廣大先生得此意名不黨籍挂庸夫取同塵君子重遠害偶然出從政初不計毀最曾爲茲邑長治道去其太豈必赫赫名當前互驚恠到今有餘慕俎豆禮無殺我來謁公祠下馬肅瞻拜題詩警俗吏似爲求名戒不見道旁碑去官碑輒壞

望陽山

萬乘東南巡本厭天子氣匹夫迺心動走向此中避雲

氣隨真龍人誰跡劉季可憐秦皇惠不及呂后智英雄
論成敗孰者意料事秋色中原來蒼然入淮泗蜿蜒忽
橫亘一束千里勢豐沛袒右肩濠梁舒左臂古來雜王
霸要豈山所致吾將訴真宰錐爾作平地山色如死灰
嗚呼識天意

南宿州即事

符離城外騎驢女愛着紅裙愛插花十里迴車無避處
不辭相送到村家

汴中無魚今日至固鎮盤餐得此余方以為喜
座有晉人乃至廢食云吾土有客水鄉者所親
必相戒勿食魚恐傷骨鯁也南北嗜好之不同
如此

各有鄉風兩不知區區口腹莫相疑着他蔥薤堆盤處
是我攢肴廢箸時

臨淮曉渡飯於逆旅述老人所言

人影動浮橋清流繞淮甸月光水面澹初日烟中見中
都地脈連風物南方變城灣鵝鴨鬧客飯魚蟹便逆旅
八十翁自云本武弁前朝守陵戶賦役除本縣自從喪
亂來瓦落奉先殿天家王氣盡凍餓甘衷賤誓死不去
鄉依依豈他戀曾供洒掃職麥飯每私薦孟冬時享近
又欲往營莫言罷竟出門回頭淚如霰

過鳳陽城外二首

帳下居然識帝王千秋閭墓表滁陽時來將相皆同里
淚落英雄有故鄉芒碭天青雲氣散江淮月白水聲涼
龍蛇變滅須臾事猶指山名號鳳皇
元老還朝起廢臣宜興再相起馬士
英為鳳陽總督二陵收氣避黃巾
忽聞淮泗聲援地已奉邯鄲假號人南渡半年輸弱晉
西來群盜甚符秦青絲白馬他年恨草木餘威在壽春

池河驛

古驛通橋水一灣數家烟火出榛菅人過濠上初逢雁
地近滁州飽看山小店青帘疎雨後遙村紅樹夕陽間
跨鞍便作匆匆去誰信孤蹤是倦還

度磨盤山滁濠分界處

只在羊腸鳥道間不知行過兩州山千家大柳烟中驛
一綫清流井底開樵斧樹稀行客倦茅草茶熟老僧閒
路難馬力尤須惜莫遣鞭多比石頑

清流關

低迷野氣中路斷遇崖險陡然拔千丈直上匪由漸行
子中州來巖關此為險其西道尤惡石滑破馬膽步行
到關門一往生勇敢長風捲林薄敗葉撒雨點豁達眼
界開晶熒日光閃少休得古寺徐使神氣斂想當割據
初外戶晝長揜寧知暉鳳擒猿鳥就籠檻邇來幾易代
地僻設防減僧房同啟閉鎖鑰誰復檢經過亦偶然形
勝第一覽

滁州

岡迴樹轉到城遙
磬石纔通路一條細水流應落西澗
韋左司有滁州西澗詩
好山青不盡南譙名賢出守曾相繼異姓封王又一朝爭說此邦風土好至今生計穩漁樵

舟發六合

馬煩車殆歷間關轉愛江程一日閒
吳女布帆十二幅畫船頭尾載花還

大霧自儀真曉至京口

斗柄揀秋江夜行拍西東五更乍迷道
水氣昏霾雲小舟一葦如漂蕩雲海中
焉能辨咫尺所向疑皆窮何物導我前
群飛賴南鴻稍知京口近忽報金山鐘
旭日出未高半天已先紅須臾掃無跡
一望東南空但見旗脚舒平流起微風
畏途付噩夢回首猶忡忡

關吏行

大農按籍加關稅小吏機乘搜瑣細
吳中支港夜不行水柵村橋晨尚閉
歸人癡絕良可歎枯蒲帶土包牡丹
壓馱馱增驟價貴入船船重關津難
有情對爾應惆悵近日花網多北上
獨携此本到江南莫怪椰檣兩相向

舟中紀事

十月之交冬令行雷宜收聲乃發聲
嬰兒晝啼天女咲群蟄啟戶魚龍驚
初聞吳中夏大水萬頃平疇長蒲葦
又聞蔚州七月霜盡殺稷菽秋無糧
雖云地氣異南北

何至天道違陰陽野人未敢窺天意
目擊口傳非一事他年誰考五行書
五行志災不志瑞

雨中發嘗熟回望虞山

錢生玉友約看吾谷楓輕裝短櫂來匆匆
夕陽城西嵐氣紫正值萬樹交青紅
天工似嫌秋太濃變態一洗歸空濛
湖波蒸雲作朝雨用意不在丹黃中
大痴歿後無傳派此段溪山復誰畫
老夫新句亦平平要與詩家除粉繪

吳江田家行

高田去水一尺許低田下濕流沮洳
半扉潦退尚留痕兩足泥深難覓路
土塙頽塌茅屋倒時見牽船岸上住
家家網得太湖魚米少魚多無換處
朝廷聞下寬大詔今歲江南免田賦
野老猶供計畝租官倉自貸輸糧戶
田家田家爾最苦有錢何煩鑄農具
半生衣食在江湖賣犢揚帆從此去

敬業堂詩集卷二十一目錄

皖上集

題三娘子圖四首

并序

雨後行園梅花已落力輩

方編籬

食薑心菜

南湖舟次遇魏禹平時禹平歸自濟南余將往皖

上二首

順風無帆戲作短歌

董文敏臨米天馬賦卷子真蹟余弟德尹以十二

金購自賣骨董某家鑒徵上人貽書張竹老謂

爲遠客攫去足值五十金竹老作長歌紀其語

至呼弟爲惡客且云此公詩歌妙絕特削其名

氏正欲寄元激之使戰語托滑稽其實乃深忌

之也時德尹已北去戲次原韻即徵竹老體并

示鑒公

去秋自河南歸携植牡丹

數種春來適有安慶之役不及待其開以詩紀

別

塘西舟中喜晴得六言律

詩一首

過竹老與之論詩

飲周柯雲家玉蘭花下

寒食湖上作二首

題蔡荔輝舫齋次竹老韻

從湖州至四安舟中大雨

雨中過九里岡

廣德州

連日風雨山行頗有寒色

飲十字坡茶菴

紅林橋

宣城道中喜晴

廉

曉望敬亭山懷梅耦長孝
高嶺菴小憩

渡清弋江

飲劉蓮菴光祿墓園二首

南陵早發

山家柴柵編竹而不築牆

云以拒虎虎能踰牆而不敢窺籬蓋疑其爲陷

奔也作虎落歌

蕎麥灣大雨

山店阻雨次徐任可韻

行經九華山麓欲登不果

任可有詩戲次其韻

碎石嶺詞

初至皖城喜遇同年姚別

峰兼招程松皋舍人

程松皋得余所寄詩即夕自桐城命駕過皖次東

坡喜劉景文至韻

懷寧劉東臯明府招飲薈

薇花下

三月二十九日賦餅花

晚晴登安慶城樓

同年左子畏家上臣各有

魚米之餉詩以報謝

與子畏上臣飲楊令詒孝廉宅

寓書所見

僧房多鼠戲次青丘集中

乞猶詩韻

皖城遇張損持庶常

答婁東曾蘭坡次唐實若考功扇頭舊韻

任可將歸有詩留別次韻奉送三首

損持見和前篇再疊韻奉酬

同損持任可步入一柏巖

酬詩僧愷月

詩簡爲捐持賦

周通守劉明府惠鮓魚感賦

登迎江寺塔同程佐衡作

次韻會劉東舉

三疊前韻答程佐衡

弔元左丞余忠宣公墓一首

佐衡置酒大觀亭招同損持蘭坡志鄴分韻得嵐

字

宿松朱字綠博學嗜古所

葺南岳考三卷援據往籍至數萬言而斷以已

意大要謂古之南岳乃瀟之天柱峰非楚南衡

山也頂於皖城官舍出此見示索余題辭作歌

贈之

敬業堂詩集卷二十一目錄終

敬業堂詩集卷二十一

海寧 查慎行 悔餘

皖上集起丙子正月盡四月

去冬歸自汴梁今年擬息勞筋稍理舊業適承座

主清溪公之命與令孫任可偕往皖城避春江風

浪之險由四安鎮取山路經宣城池陽抵黃盆口

始渡江皆向來遊蹟所未到也

題三娘子圖四首并叙

按諸葛元聲兩朝平攘錄三娘子俺答長女也生而

清麗資性穎異善書番文尊中國尚瞿曇母於佛前

懺悔求再生當居中華已受禩兒都司聘俺答通焉

遂奪之隆慶五年俺答歸順封順義王三娘子封忠

順夫人萬曆壬子俺答死其舅黃台吉烝而配之黃

台吉納婦一百八人以象數珠三娘子佐之貢市惟

謹台吉死長子扯力艮襲封復烝而配之丁亥六月

扯力艮同妻入邊巡撫鄭洛傳語三娘子無忘香火

舊情卒聽平受賞于弘賜堡去大同六十七年間三封

貴爵貢市之不渝多有力焉獨石中軍素善繪因密

圖三娘子及受封三王像以獻於朝故得其詳如此

馬子衍齋屬周兼畫此圖索余題句略撮始末使覽

者有考焉

香燈小柱懺前因一念三生誤隔塵莫聽琵琶思入塞

明妃曾是漢宮人

別移部帳事休屠衆裏方知顏盼殊百八摩尼齊合掌

讓他一顆佛頭珠

詔恩三換等兒嬉報貢頻頒五色然見說兩朝曾欵塞

不知通好是關氏

埋香青冢亦堪悲粉黛流傳又一時想像承平光景好

風流邊將畫蛾眉

雨後行園梅花已落力輩方編籬

宿雨潤苔痕幽人杖藜至池邊一株雪狼籍香滿地不忍踏成泥猶存惜花意平生無長物外遇中鮮滯一出動經年窺園偶然事敢爲花作主吾老身如寄乃復補樊籬遮防亦情累小童如我嬾長養薔薇刺欲剪又踟躕何當絕非類

食臺心菜

用心霜雪餘尺寸取易長土膏發春雨其葉沃以光漸見碧玉蓼枝枝葉中央初來但小摘爛熳抽四旁花時籬落間色比黃金黃而我乃爲口斲歸滿筠筐之供盤餐指動齒頰香貧家寡私奉婢僕皆品嘗可無勤情分於此示激揚園丁給宜厚特以七箸償山田歲不登老圃聊救菜所慚勞汝力充我藜藿腸

南湖舟次遇魏禹平時禹平歸自濟南余將往

皖上二首

低田幾稜菜花雨野水一灣蘋葉風却向家鄉話京國小桃猶是別時紅

烟雨迷濛港脉斜葑湖水落吐圓沙春波門外春帆影君是還家我別家

順風無帆戲作短歌

風頭滾滾浪花白啣尾隣船開絡繹千檣多作挂帆行弦曠虛弓箭初釋開翎一一雁投渚騁足群群駒過隙同時離岸我獨遲我坐無帆聊挂席偶然利鈍各有數相去寧須論什伯來船未必盡無帆咲爾有帆風又逆

董文敏臨米天馬賦卷子真蹟余弟德尹以十

二金購自賣骨董其家鑒徵上人貽書張矦老

謂爲遠客攫去足值五十金矦老作長歌紀其

語至呼弟爲惡客且云此公詩歌妙絕特削其

名氏正欲寄元激之使戰語托滑稽其實乃深

忌之也時德尹已北去戲次原韻即傲矦老體

并示鑒公

古來善書者稱聖亦稱顛張芝米芾相繼出遂覺格勢大變非從前華亭老宗伯落筆何翩翩衆中自集一家法學本人力姿由天偶然放手撫寫天馬賦一斑窺豹知其全人間流落有此本幾逐市販同推遷昨來忽入好事眼三百十字顆顆明珠圓傾囊倒篋可咲不自量巧取或怵他人先腰纏十金一揮隨手盡世上乃有此

種楊州仙還家但徒步不辦書畫船老僧旁觀歎且妬
謂此可值五十千大爲得者長聲價賺卷十倍增鮮妍
語聞張子悅然失固是痴癡寧非賢君家向來收藏亦
已夥細入針孔思貫穿得無羨魚人往往猶臨淵去年
臥病九十日料理藥物供高眼頗聞典賣及古玩何異
開閣散遣諸婢娟故人傳與衛生訣撥棄嗜好年方延
性之所近終不化如噉石蜜甘中邊又如雅量暨止酒
麴重相遇口角仍流涎作詩相惱覲一擲寸鐵不用張
空脊豈知懷寶出閭道捲旗臥鼓有似刀藏鉛無端索
和乃到我野戰突上荒山巔謂我曾經閱此卷廟壘相
向師非偏我能爲汝咸其輔頰舌使汝鉢腎刻肺飲食
夢寐中難捐書評髮髯舉大概虎跳鳳翥龍蜿蜒若將
墨寶比良劍也應光怪直射文星躔然而達人宜自廣
美玉豈必收于閭貧多務得物斯聚富而可求吾亦爲
執鞭近來書畫大半入秘府居奇幾輩包裹充資緣三
間茆屋配汝作清供書生習氣如此真可憐猶復嘵嘵
引喙較得失物情什伯千萬胡相懸我於妙墨豈不好
只坐欲買羞澁囊無錢金奩玉軸所見不爲儉過眼瞥
爾心恬然必教一一皆已有天地何以生雲烟况聞佛
法無我相試拈此句詰老禪滑稽代作解嘲語滿紙倔
強定有瀾翻篇翰攻倘許破堅壁正恐筆削爲無權嚴
詩他日編杜集能禁此客姓氏泯泯終無傳

去秋自河南歸携植牡丹數種春來適有安慶
之役不及待其開以詩紀別

客遊出梁宋地主頗不俗貽我六娉婷相隨到空谷我
貧寄菲茨貯爾無金屋繁華有借境直以名姬蓄殷勤
手親栽不忍委僮僕冬暖少雪霜春陰滋霖霖栽培本
天意私願苦難足可惜姚家黃一株萎偏獨五家尚成
隊紉綺可合族別之豈無情行期爲改卜未償道路債
妄冀看花福開時果出門詩識已早伏

余去年詩前村
必花時穩開門

明年豈不好吾老狀可掬應笑歸來遲尋春同杜牧

塘西舟中喜晴得六言律詩一首
雨絲渺渺將斷日氣葱葱半銜客路漸逢寒食遊人未
換春衫桃花古渡茆店柳色輕烟布帆此去清溪不遠
數尖已露晴巖

過岑老與之論詩

昨日鳩喚雨今朝鵲報晴村村桃李花處處隨浮萍中
流幾千點著此孤舟輕故人知我來一咲門前迎別來
四十日頗覺太瘦生苦吟誠乃疲中有金石聲子詩人所
怪任意方孤行自喜正在茲焉能博時名引我附同
調背汗顏亦頽失學事情游東西無期程古人傳著述
多在名山成涉獵得其粗不如閉戶精子今雖善病幽
居領餘清物理與天機靜觀皆性情願子堅自信後來
有公評

飲周柯雲家玉蘭花下

小船撐入荻蔣牙主人如客偶在家入門一揖仰面咲
玉樹正吐牆頭花此花畏雨兼畏日難得春來好天色
今朝恰是養花天又被狂風恣狼籍興來相就席下移
無酒酤我我不辭杯中自吸水雪影紙上誰賞瓊瑤詞
白雲茫茫屋上下醉眼迷離兩相射鈎簾何用更燒燈
自有花光能照夜

寒食湖上作二首

紅粧催上木蘭舟女伴家家愛出遊多事六橋新柳色
自含烟雨自遮樓
封田青合去年沙遠岸殘桃賣酒家錯恠東風欺老眼
我來原不爲尋花

題蔡藜輝舫齋次吟老韻

風過溪來酒面涼一支健水出餘杭平分半幅疑看畫
難得三間恰向陽漁網愛牽簾影動釣絲閒拂水花香
浮家倘許來相就剪取橋南足練光

從湖州至四安舟中大雨

山迴兩崖高路盡一川狹春流不盈尺野艇容恰恰正
賴急雨來須臾同放牒孤蓬支兩膝兀坐如被壓間路
屢見給方言亂鵝鴨紆邊終到岸我有安心法首路又
登山回頭憶清霄

雨中過九里岡

平生狎濤江老怯風波惡茲游特改路意取山行樂一
咲我命窮天公大戲劇朝來發古鎮苦雨若赴約肩輿
煩兩夫蹉跌防失脚山山勃姑叫泥滑石齟齬漸上九
里岡險如出劒閣我本村野安浪遊因落魄無端役人
力揣分非所托稍待天放晴前林候乾鵲勞生就徒步
庶免中心作

廣德州

山勢豁一州中央據衍土地當江浙會開拓自洪武長
興環其東外捍等千櫓西南界宣歙兀突重巖俯長江
乃北門集慶倚堂廡當年耿鄧功拱翼事真主張吳勢
雖偏力絀不得取時危有鬪爭事往失險阻如今城下
路日夜走商賈獨有好事人登城尚懷古

連日風雨山行頗有寒色

盤旋八九里下上千百尋身在雲氣中不知山淺深雨
聲挂奔瀑風響交長林空谷早晚寒颼然作秋陰初疑
春不到忽有啗啗禽

飲十字坡茶菴

連岡踏成泥山骨似無石汙池之所蓄土赤水亦赤瓢
漿乃時需解渴聊飲血一飲不自持吁嗟遠行客

紅林橋

山花不知名山島多聚族深村窅然入樹影散晴旭人
家石橋邊共吸一溪綠年豐旅食賤市遠無魚肉但覺